

RESOLUCIÓN DO 20 DE FEBREIRO DE 2025 DA DIRECCIÓN XERAL DE DESENVOLVEMENTO PESQUEIRO POLA QUE SE CONVOCAN DOUS CURSOS (2) DE RECOLECTOR/A DE RECURSOS ESPECÍFICOS CON TÉCNICAS DE MERGULLO NO INSTITUTO GALEGO DE FORMACIÓN EN ACUICULTURA (IGAFA) NA ILLA DE AROUSA

Consideracións legais

- Decreto 152/1998, de 15 de maio, que regula as condicións para o exercicio do mergullo profesional na Comunidade Autónoma de Galicia
- Orde do 23 de abril de 1999, que regula o exercicio de mergullo profesional na Comunidade Autónoma de Galicia. O artigo 32 establece que "no caso de que os cursos requiran a realización previa de probas físicas e/ou de compresión e tolerancia ao osíxeno, estas deben de ser convocadas previamente, debendo estar presentes na súa realización un representante da Dirección Xeral de Formación Pesqueira e Investigación, o instrutor encargado da dirección do curso correspondente e persoal facultativo en medicina inscrito no censo previsto no artigo 43"
- Decreto 64/2008, do 27 de marzo, que regula a certificación profesional para a extracción de recursos específicos con técnicas de mergullo na Comunidade Autónoma de Galicia
- Orde do 1 de outubro de 2008, que regula o procedemento de obtención da certificación profesional para a extracción de recursos específicos con técnicas de mergullo na Comunidade Autónoma de Galicia. O artigo 3.5. indica que "a proba final de coñecemento e avaliación de aptitude será realizada por un tribunal designado pola Dirección Xeral de Innovación e Desenvolvemento Pesqueiro, da acordo co Decreto 428/1993, do 17 de decembro, que estará formado por tres funcionarios/as docentes da Consellería de Pesca e Asuntos Marítimos, un dos cales actuará en calidade de presidente/a e outro/a de secretario/a, e polo/a mergullador/a instrutor/a do curso"
- Decreto 149/2024, de 20 de maio, polo que se modifica o Decreto 50/2021, do 11 de marzo, polo que se aproba a estrutura orgánica da Consellería do Mar, no que indica que a Dirección Xeral de Desenvolvemento Pesqueiro correspóndenlle a función de ordenación, dirección e coordinación das atribucións que ten asumidas a consellería en materia de ensino e titulacións náutico-pesqueiras e de lecer

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal

De acordo con todo o anteriormente indicado, esta dirección xeral ao abeiro das súas competencias RESOLVE,

Convocar dous cursos (2) de Recolector/a de Recursos Específicos con Técnicas de Mergullo no Instituto Galego de Formación en Acuicultura (IGAFA) na Illa de Arousa, coas seguintes condicións:

Primeira.- Requisitos das persoas candidatas (artigo 2 da Orde do 1 de outubro de 2008)

- Ter cumpridos os dezaioito anos de idade
- Ter rematada a ensinanza académica obrigatoria
- Superar as probas médicas de aptitude ao mergullo profesional segundo establecido no anexo IX da orde da Consellería de Pesca e Asuntos Marítimos do 23 de abril de 1999

Segunda.- Documentación a presentar no IGAFA polas persoas aspirantes

- Solicitud normalizada segundo o anexo I da Orde do 1 de outubro de 2008
- Fotocopia do DNI ou NIE
- Fotocopia do documento que acredita ter rematada a escolarización obrigatoria

Terceira.- Os cursos terán lugar no Instituto Galego de Formación en Acuicultura (IGAFA) na Illa de Arousa. As datas de presentación de solicitudes e dos cursos, os horarios e o número de prazas son as seguintes:

- Prazo de matrícula: do 21 de febreiro ao 12 de marzo de 2025
- **Curso 1: do 01 ao 28 de abril de 2025 de 14:00 a 20:00 horas.** Do 14 ao 21 de abril, ambos incluídos, non haberá curso
- **Curso 2: do 28 de abril ao 16 de maio de 2025 de 14:00 a 20:00 horas**
- Número de prazas: 12 alumnos/as por curso.

Cuarta.- Probas físicas en piscina previas a realización dos cursos (artigo 4 da Orde do 1 de outubro de 2008).

O listado de persoas seleccionadas para realizar as probas físicas se publicará o 14 de marzo de 2025 na páxina web da Consellería do Mar (<https://mar.xunta.gal/es/formacion/informacion-del-alumnado/mergullo-profesional>) e no taboleiro de anuncios do IGAFA.



As persoas aspirantes os cursos deberán superar as seguintes probas físicas en piscina:

- Facer unha apnea estática dun minuto. As persoas aspirantes disporán de tres intentos.
- Facer unha apnea dinámica de 25 m de lonxitude en dous intentos e sen lentes de mergullo.
- Nadar 200 m a estilo braza ou crol. As persoas aspirantes elixirán o estilo e manterano ata o remate da proba con lentes de mergullo.

As persoas aspirantes deberán presentar, o día das probas físicas en piscina, un certificado médico, en impreso oficial, que as cualifique "coa aptitude física necesaria para a realización das probas físicas en piscina esixidas para o acceso ao curso de recolector/a de recursos específicos con técnicas de mergullo, segundo o artigo 4.1.a) da Orde do 1 de outubro de 2008 (DOG nº 196, do 09/10/2008)"

As datas de realización das **probas físicas en piscina serán os días 18 e 19 de marzo de 2025 ás 9:30 horas.**

Quinta.- Proba da cámara hiperbárica previa a realización dos cursos (artigo 4 da Orde do 1 de outubro de 2008).

Unha vez superadas as probas físicas deberán realizar o Test de comprensión e tolerancia ao oxíxeno hiperbárico, que consiste no seguinte:

- Descenso a 50 m.c.a. a unha velocidade máxima de 24 metros por minuto respirando aire, ascenso ata 18 m.c.a. respirando aire, xa na cota de 18 m.c.a. respirar oxíxeno medicinal durante 30 minutos, ao remate continuar respirando oxíxeno medicinal ata a superficie. Esta proba realizarase en cámara hiperbárica.

As persoas aspirantes os cursos deberán presentar o día da proba da cámara hiperbárica, un certificado médico que as cualifique como aptas para facer esta proba. Este recoñecemento médico deberá ser realizado por persoal facultativo habilitado, tal como se establece no artigo 3.2 da Orde do 1 de outubro de 2008, que regula o procedemento de obtención da certificación profesional para a extracción de recursos específicos con técnicas de mergullo na Comunidade Autónoma de Galicia.

As datas de realización da **proba de tolerancia ao oxíxeno serán os días 27 e 28 de marzo de 2025 ás 9:30 horas.**

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal



Durante a realización das probas físicas en piscina e tolerancia ao oxíxeno hiperbárico estará presente un tribunal constituído por persoal da administración da Consellería do Mar.

Sexta.- Criterios de selección dos/as candidatos/as

- O número de prazas por curso é de doce (12) e dous (2) suplentes.
- Unha vez rematadas as probas físicas, si hai máis aspirantes que prazas, o tribunal realizará un sorteo público. Para isto, o listado de persoas que superaron ditas probas se ordenará alfabeticamente e será numerado (mantendo a orde alfabética), extraéndose a continuación un número que indicará a orde de persoas seleccionadas para os cursos.
- As persoas seleccionadas que non superen as probas de cámara hiperbárica quedarán excluídas dos cursos.

Sétima.- No suposto de que o número de persoas admitidas para realizar os cursos sexa inferior ao número de prazas convocadas, a Dirección Xeral de Desenvolvemento Pesqueiro reserva para si o dereito a suspender, cancelar ou agrupar varias edicións dos cursos, caso en que empregará os medios de notificación ás persoas interesadas previstos na normativa vixente. Tamén poderá modificar as datas dos cursos, así como resolver todas as continxencias que poidan xurdir.

Oitava.- Equipamento necesario a aportar polo alumnado para poder realizar o curso de recolector/a de recursos específicos con técnicas de mergullo

- Traxe húmido de neopreno
- Escarpíns, aletas regulables, gafas e tubo de mergullo, cinto de chumbos de zafado rápido cuns 10 quilos, coitelo de mergullo e luvas de traballo.

Novena.- As persoas seleccionadas para realizar os cursos deberán presentar o primeiro día de clase o xustificante de ter pagado as taxas das probas de aptitude para a obtención do certificado de extracción de recursos específicos con técnicas de mergullo

Décima.- Nomeamento dos tribunais

A dirección xeral de Desenvolvemento Pesqueiro nomea os seguintes tribunais:

- **Probas físicas en piscina:** 18 e 19 de marzo de 2025 ás 9:30 horas
Representante da administración: José Ventura Villar Estalote
Instrutor xefe: Xesús Óscar Figueiro Touceda

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal



Facultativa en medicina: Saladina Dolores Álvarez Pérez

- **Probos de tolerancia ao oxíxeno hiperbárico:** 27 e 28 de marzo de 2025 ás 9:30 horas

Representante da administración: José Ventura Villar Estalote

Instrutor xefe: Xesús Óscar Figueiro Touceda

Facultativa en medicina: Saladina Dolores Álvarez Pérez

- **Exame de avaliación final curso 1:** 28 de abril de 2025 ás 15:00 horas

Presidente: Pablo Vázquez Cortizo

Secretario: Xesús Óscar Figueiro Touceda

Vogal: Elena Casais Laiño

Instrutor xefe: Marcelino González Maneiro

- **Exame de avaliación final curso 2:** 16 de maio de 2025 ás 15:00 horas

Presidente: Marcelino González Maneiro

Secretario: Xesús Óscar Figueiro Touceda

Vogal: Isabel Fernández Álvarez

Instrutor xefe: Pablo Vázquez Cortizo

Contra esta resolución, que non esgota a vía administrativa, poderase interpoñer recurso de alzada perante a consellería do Mar, no prazo dun mes, desde a notificación da presente resolución, segundo se dispón nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela,

A directora xeral de Desenvolvemento Pesqueiro

Marta Villaverde Acuña